


«Лайлат ул-қадр» эканининг аломатлари борми?



14:30 / 03 апрель 13563

«Лайлат ул-қадр» – Қадр кечасининг минг ойдан яхшироқ эканлигини Аллоҳ таоло Қуръони Каримнинг шу кечага бағишилаган сурасида айтиб ўтган.

Аслида, қадр кечасини қачон бўлишини Аллоҳ таолодан ўзга ҳеч ким билмайди. Фақат тахмин қилинади, холос. Шу боисдан фақиҳлар томонидан унинг қачон бўлиши ҳақида қирқдан зиёд қавллар, тахминлар айтилган. Буларни бирма-бир (46 та қавлни) Ҳофиз Ибн Ҳажар Асқалоний ўзининг машҳури жаҳон бўлган **«Фатҳ ул-борий»** асарида [батафсил зикр қилган](#). Мұхаммад Абдулғафурнинг «ал-Исьоғ» асарида ушбу қавл ва тахминларнинг 45 таси келтирилган. Уларнинг ҳар бир гапи ва тахминининг асоси, ҳадислардан ва саҳобалар гапларидан далили ҳам айтилган. Бинобарин, қадр кечасини топмоқчи бўлганлар йилнинг ҳар бир кечасини қадр ўлароқ кўриши ва ибодатдан ғафлатда қолмаслиги даркор!

Қайсиdir кечада **«Лайлат ул-қадр»** бўлганлигини қандай билиш мумкин? Унинг аломатлари борми? Унинг айрим аломатлари айтилса-да, бироқ, умумий маънода уни кўпчилик билмасдан, ғофиллик илиа ўтказиб юбориши

аниқ. Бир уйда тоат-ибодатлар билан ўтказаётганларнинг айримлари «Лайлат ул-қадр»ни билиб, баъзилари умуман билмасдан ўтказиб юборишлари мумкинлиги манбаларда таъкидланган. Бироқ, барчаларига кечани ибодатда бедор ўтказганлик савоби берилади. Айрим олимлар «Лайлат ул-қадр»ни билганларгагина «**Лайлат ул-қадр**» кечаси ибодати савоби алоҳида қилиб берилади:

Имом Муслим ривоятидаги Абу Ҳурайра розияллоҳу анҳудан қилинган ҳадисда: «**Кимки «Лайлат ул-қадр»ни унга тўғри келиб бедор ўтказса, ...**» дейилса, Имом Аҳмад ривоятида: «**Кимки «Лайлат ул-қадр»да иймон ва ихлос билан бедор бўлса ва унга «Лайлат ул-қадр» мувофиқ келса, ...**» дейилган. Мувофиқлик дегани бедор ўтказган кечаси аниқ «**Лайлат ул-қадр**» эканлигини билиш ҳисобланади.

Бироқ, Ибн Ҳажар ал-Асқалоний ушбу фикрга қўшилмайди: «**Лайлат ул-қадр**» фазилати борасидаги умумий маънодаги ҳадиси шарифларда мувофиқлик ҳақида сўз юритилмаган.

Парвардигори олам ўзи хоҳлаган бандасига Қадр кечасини билдиради. Қадр кечасини аниқ билиб тонг отгунча ибодат қилиб чиқиш афзалдир. Буни билиб, сезиб қолиш бир каромат бўлгани учун Аллома Ибн Ҳажар Асқалоний уни билган тақдирда ҳам ҳеч кимга гапирмаган маъқул, деганлар.

Қадр кечасининг аломатлари бор. Бу ҳақда сахих ҳадиси шарифлар ҳам ворид бўлган. Уларда айтилишича, Қадр кечасида сукунат ҳукм суради, юлдузлар учмайди, ҳаво мўътадиллашади: иссиқ ҳам бўлмайди, совуқ ҳам бўлмайди. Эрталаб қуёш қизариб, тоғарага ўхшаш бўлиб, ёғду сочиши ўта заиф ҳолатда бош кўтаради. Сабаби ўша тун ва кунда фаришталар кўплаб тушиб-чиқиб туриши оқибатида қуёш нурларини тўсиб қўяр эканлар. Бир ҳадисда Қадр кечасида ёмғир ёғиши ва момоқалдироқ бўлиши ҳам айтилган.

Имом Абу Довуд, Баззор ва Ибн Хузаймалар Абдуллоҳ ибн Аббос розияллоҳу анҳудан ривоят қилишларича, Пайғамбаримиз соллаллоҳу алайҳи васаллам Қадр кечасини тавсифлаб, бундай деганлар:

ڦراح ال ڦقلط ڦحمس ڦليل
اهمش حبصت، ڦدراپ الو
ءارم ح ڦقيفص اهتحي بص
اهموي سمش لا حبصت)
(ڦفي عض ءارم ح

«**Бу кеча муруватли, (яхши, саховатли), бўшашган, (озод, сокин),
иссиқ ҳам эмас, совуқ ҳам эмасдир. Унинг қуёши ўша тонгда қип-
қизил заиф бўлиб чиқади».**

Саҳобаларнинг улуғ қориларидан бири Убай ибн Каъб розияллоҳу анҳу
Қадр кечасини йигирма еттинчи кечада бўлишини айтар эканлар:

اهب انرب خاؤى تلا ڦليل ىه
هـلـلـا ىـلـصـ هـلـلـا لـوـسـرـ
سـمـشـلـاـنـاـ مـلـسـوـهـيـلـعـ
اهـنـأـ)ـ قـرـقـرـتـ ءـاضـيـبـ عـلـطـتـ
(ـاـهـلـ عـاعـشـ الـ ذـئـمـوـيـ عـلـطـتـ

«**У бизга Расулуллоҳ соллаллоҳу алайҳи вاصالлам хабар берган
кеча бўлиб, қуёш ўшандаги оппоқ бўлиб, милтиллаб, ялтиллаб чиқад»**

Имом Муслим, Аҳмад, Абу Довуд, Байҳақий ва Ибн Аби Шайба ривоятлари.

Яна Пайғамбаримиз соллаллоҳу алайҳи васаллам мана бундай деганлар:

اھنَا رَدْقُ لِلرَّامَةِ
اھيْفَ نَاكَةَ حَلْبَةِ فَاصَّ
ةِ جَاسَةِ نَكَاسَ اعْطَاسَ ارْمَقَ
لَحِيَةِ الْوَرْحَانِ وَ اھيْفَ دَرْبَ الْ
اھيْفَ هَبَى مَرِيَّ نَابَكَوكَلَ
نَابَهَتَرَامَةِ نَاوَ حَبْصَتَى تَحَ
جَرْخَتَ اهْتَحَى بَصَ سَمَشَلَ
عَاعِشَ اهْلَ سَيَلَةِ يَوْتَسَمَ
الْوَرَدَبَلَةَ لَيَلَرَمَقَلَالَثَمَ
جَرْخَيَ نَابَهَاطَيَشَلَلَلَحِيَةِ
ذَئْمَوَيِ اعْمَ

«Албатта Қадр кечасининг аломатлари шуки, у мусаффо, ёп-ёруғ, худди сукунатга ўралган ёғдули ой чарақлаб тургандек бўлади. У кечада (ўта) совуқ ҳам, (жуда) иссиқ ҳам бўлмайди. Ўша кечада тонггача юлдузлар отилишига йўл қўйилмайди. Яна унинг аломатларидан бири қуёш эрталаб ўн тўрт кечалик ойга ўхшаб, нурсиз чарақламасдан чиқади. Ўша куни шайтонлар чиқишига ҳам йўл қўйилмайди».

Имом Аҳмад ривояти. Ҳадиснинг ровийларини Ибн Ҳажар ал-Ҳайсамий ишончли деган.

Шу маънодаги ҳадиси шарифни Ибн Ҳузайма Жобир ибн Абдуллоҳ розияллоҳу анҳудан ривоят қилган.

Бу борадаги охирги саҳих ҳадис Жобир ибн Самура розияллоҳу анҳудан ривоят қилинган:

«У ёмғирли, шамолли ва яшинли кечадир».

Мазкур ҳадисни муҳаддислардан Имом Табароний ва Баззор ривоят қилганлар. Ровийларини Ибн Ҳажар ал-Ҳайсамий саҳих деган. Лекин бу маънодаги ҳадиси шариф битта бўлганлиги учун аксар ҳолатларда муборак кеча бундай бўлмаслиги билинади. Расууллоҳ соллаллоҳу алайҳи васаллам ҳам биринчи марта Қадр кечаси ҳақида хабар берганларидан сўнг ўша кеча ёмғирли (сув ва лой) бўлиб, пешоналарида лой излари қолганлигини Имом Бухорий ва Имом Муслим ҳазратлари Абу Саид ал-Худрий розияллоҳу анҳудан ривоят қилганлар. Бу воқеа Рамазоннинг йигирма учинчи кечаси содир бўлган эди.

Табарий ва Байҳақийлар ривоятида яна мазкур муборак кечада касалликлар пайдо бўлмаслиги, шўр сувлар чучук бўлиши, дарахтлар ўз шохларини ерга эгилтириб туриши кабилар ҳам зикр этилади.

Шунинг учун ҳам улуғ саҳобий Абдуллоҳ ибн Масъуд розияллоҳу анҳу: «Кимки йил давомида кечалари қоим бўлса, Қадр кечасига етади (уни топади)», деган эканлар.

Имом Муслим ривояти.

Бинобарин, ота-боболаримиз айтган гап ростдир: «Ҳар кечани қадр бил, ҳар кишини Хизр бил!».

Ҳамидуллоҳ Беруний